

## UGOVOR

o snabdijevanju i isporuci goriva i maziva

zaključen između:

**JAVNA USTANOVA HISTORIJSKI ARHIV SARAJEVO**, ul. Alipašina br. 19, Sarajevo, ID 4200236860004, kojeg zastupa Ismeta Džigal-Berkovac, direktor (u daljem tekstu: kupac)

I

**HIFA-PETROL, d.o.o. Sarajevo**, ulica Hotonj bb, Sarajevo, Vogošća, koga zastupa Muhamed Vrabac, punomoćnik (u daljem tekstu: prodavac)

### I OPĆE ODREDBE

#### Član 1.

Ovim Ugovorom je regulisan predmet Ugovora, prava i obaveze ugovornih strana, način vršenja usluga, plaćanje, važnost Ugovora.

### II PREDMET UGOVORA

#### Član 2.

Predmet Ugovora je snabdijevanje i isporuka goriva i maziva putem benzinskih stanica HIFA-PETROL d.o.o. Sarajevo. Jedinična cijena ponude u postupku javnih nabavki putem direktnog sporazuma iznosi 5,93 KM bez PDV-a, odnosno 6,94 KM sa PDV-om, s tim da ukupna vrijednost ove nabavke na godišnjem nivou ne prelazi iznos od 2.000,00 KM bez uračunatog PDV-a.

- Dizel gorivo EN 590
- Bezolovni motorni benzin BMB-95
- Bezolovni motorni benzin BMB-98

### III PRAVA I OBAVEZE UGOVORNIH STRANA

#### Član 3.

Prodavac se obavezuje da će po nalogu kupca vršiti snabdijevanje i isporuku goriva i maziva navedenih u članu 2. ovog Ugovora pod uslovima utvrđenim ovim Ugovorom i važećim standardima odnosno zakonima.

#### Član 4.

Prodavac se obavezuje isporučiti sve vrste goriva putem svojih benzinskih stanica pod uslovima iz ovog Ugovora i specifikacije iz tenderske dokumentacije.

Isporuka roba vršit će se na benzinskim stanicama prodavca u Sarajevu, za potrebe kupca na području grada, a za šire područje u Bosni i Hercegovini prema stvarnim potrebama na zatečenoj benzinskoj pumpi prodavca.

Evidentiranje utočenih količina i vrsta goriva na benzinskoj stanici se očituje potpisom ovlaštene osobe na specifikaciji preuzetih roba.

Prodavac je dužan na zahtjev kupca ovjeriti količinu utočenog goriva na putnom nalogu i izdati slip-otpremnicu sa naznakom vrste i količine goriva.

#### Član 5.

Kupac je obavezan dostaviti prodavcu registarske brojeve vozila u koja će točiti gorivo.

Identifikacija ovlaštenih lica vrši se putem predočenja HIFA-PETROL d.o.o. Sarajevo kreditne kartice i PIN-a koja je sastavni dio kod plaćanja usluge na BS. Kupac je obavezan prijaviti prodavcu svaku promjenu koja se odnosi na vozila u koja se toči gorivo.

Kupac, odnosno ovlašteni zastupnik i vlasnik HIFA-PETROL, d.o.o. Sarajevo kreditne kartice i pripadajućeg PIN-a, obavlja kvantitativni i kvalitativni prijem robe na mjestu isporuke, u protivnom gubi pravo na naknadnu reklamaciju.

#### IV USLOVI PLAĆANJA

##### Član 6.

Za isporuku robe iz člana 2. ovog Ugovora sačinjen je cjenovnik koji je sastavni dio Ugovora. Jedinичne cijene iz ponude su promjenjive zavisno o kretanju cijena na domaćem i svjetskom tržištu. Cijene roba važe na dan isporuke.

##### Član 7.

Prodavac je dužan ispostaviti račun kupcu svakih petnaest dana na osnovu pregleda specifikacije količine i vrste preuzetog goriva.

Kupac se obavezuje da isplatu za isporučenu, odnosno preuzetu količinu robe po ispostavljenoj fakturi izvrši u roku od 30 (trideset) dana od dana izdavanja fakture.

Fakturisanje će se vršiti po maloprodajnim cijenama odobrenim od strane Federalnog ministarstva trgovine (OPC obrasca) sa b/p HIFA-PETROL d.o.o. Sarajevo

##### Član 8.

Kupac se obavezuje da će plaćanje izvršiti u korist prodavca nakon svake ispostavljene fakture putem Unicredit Banke d.d. Sarajevo, broj 3385502203296597.

#### V VAŽNOST I TRAJANJE UGOVORA

##### Član 9.

Ugovorne strane su se sporazumjele da će se snabdijevanje goriva vršiti do kraja 2025. godine odnosno do izbora ponuđača za 2026. godinu.

##### Član 10.

Prodavac ima pravo kupcu ograničiti ili obustaviti daljnju isporuku robe u slučaju neurednog plaćanja.

Ugovorna strana koja zbog djelovanja više sile bude spriječena u izvršenju ugovorene isporuke ili preuzimanja robe ili plaćanja ugovorenog iznosa, dužna je drugu ugovornu stranu obavijestiti u roku od 24 sata.

Ugovorne strane će se sporazumjeti da li će utvrditi novi rok za isporuku, odnosno primanje ili plaćanje robe.

Pod višom silom podrazumijevaju se događaji koji se ne mogu predvidjeti subjektivnom voljom ugovorne strane.

##### Član 11.

Ugovor se smatra zaključenim na dan kada su ga potpisali ovlašteni zastupnici ugovornih strana, a ako ga ovlašteni zastupnici nisu potpisali na isti dan, Ugovor se smatra zaključenim na dan drugog potpisa po vremenskom redosljedu i važi godinu dana od dana potpisivanja. Promjene uslova ovog Ugovora mogu biti izvršene samo u pismenoj formi, odnosno aneksom na predmetni Ugovor.

#### VI PRELAZNE I ZAVRŠNE ODREDBE

##### Član 12.

Eventualni sporovi rješavat će se međusobnim dogovorom ugovornih strana. Ukoliko se nastali spor ne bude mogao okončati mirnim putem nadležan je Općinski sud u Sarajevu.

##### Član 13.

Ugovor je sačinjen u 4 /četiri/ istovjetna primjerka, od kojih prodavac zadržava 2 /dva/ primjerka, a kupac 2 /dva/ primjerka.

ZA KUPCA  
DIREKTOR

ZA PRODAVCA

line

